

kontuola

KONTUOLA, Idolaz elkarte, ANTZUOLA. Kazetaria: Marijo Deogracias **Maketazioa:** Iñaki Iturbe **Publizitatea:** Uxue Zabaleta **Erredakzio kontseilua:** Miren Anduaga, Gotzon Iparragirre, Patxi Kortabarria, Jone Larrañaga **Testuen zuzenketak:** Mariipi Laskurain, Lierni Legorburu **Telefonoa eta faxa:** 943 76 65 08, Herri ikastetxea.

Antzuolako hamabostekaria, 40 zenbakia. 1999ko ekainaren 25a.

EH nagusi udal hauteskundeetan

112 boto atera zizkion EHk orain arte alkatetza izan duen EAJ alderdiari

Joan zen ekainaren 13ko hauteskundeetan Euskal Herritarrok izan zen Antzuolan alderdirik bozkatuena. Europarako, Aldundirako eta Udalerako hauteskundeetan botu gehien lortu zuen alderdia izan zen. Hiruretan 500 bototik gora lortu zituen.


Ehun eta hamabi botoren aldea atera zion Euskal Herritarrok alderdiak joan zen ekainaren 13ko udal hauteskundeetan, bigarren alderdi bozkatuenari, EAJri. Gipuzkoako Batzar Nagusietarako bi alderdi hauen arteko aldea 61 botokoa izan zen eta Europako parlamenturako, berriz, 43 botokoa. Hauek dira ekainaren 13ko hauteskundeetan bi alderdi nagusienek lortutako emaitzak.

Dena dela, balorazioak egiteko orduan kontuan izan behar da EAJ eta EA bakoitza bere aldetik aurkeztu zirela udal hauteskundeetara. Bi alderdiek lortutako botoak batuz gero, alkatetza lortuko zuten. Izan ere, bien artean 613 boto jaso zituzten.

BESTE EMAITZA BATZUK

Orain arte herrian nagusi diren alderdiei buruz baino ez gara aritu, baina alderdi sozialista ere aipatu beharra daukagu. Izan ere, PSE-EE alderdiak gora egin du azkenengo udal hauteskundeetatik. Orduan baino 44 boto gehiago lortu ditu. EAK ere gora egin du aurreko udal hauteskundeetatik. 40 boto gehiago lortu ditu.

AUNK (Alianza por la Unidad Nacional), Inestrillasen alderdiak, boto bat lortu zuen Europako parlamenturako. ■



Ilarak ere egin ziren bozketa egunean.

MIREIA UNAMUNO

Emakumezko lehenengo alkatea Antzuolan

Zer sentitu zenuen EHk irabazi zuela jakitean?

Gustura geunden; batzuk arratsaldetik hasi ziren ospakizunekin. Gainera, EHk irabazten dituen lehenengo hauteskundeak dira.

Emakumezko lehenengo alkatea izango zara. Zer datorkizu burura?

Bazen garaia. Hautagaien ehuneko handiena gizonetzkoak dira, badiurdi politika gizonena bakarrik dela.

EAJ eta EAren botoak batuta EHrenak baino gehiago dira. Batera joan balira, irabazi egingo zuten?

Ez zuten irabaziko. Bi gehi bi ez dira beti lau izaten. Horrelako itunekin



botoak desbideratu egiten dira eta horixe gertatu da. Garbi erakutsi dute hauteskunde hauetan.


Uztailaren 3an izango da alkatea hautatzeko batzarra. Zer gertatuko dela uste duzu?

Alderdien arteko ituna betetzen baldin bada, eta erraz beteko da nire ustez, EHk lortuko du alkatetza. Ziur nago errespetatuko dela.

Kalebarrengo eta Lizarragako jaiak ospatzen

San Pedroak eta San Martzialak

San Pedroak ospatuko dira Kalebarrenen ekainaren 26 eta 27an. Hurrengo asteburuan, berriz, uztailaren 3 eta 4an, San Martzialak.



Lehengo San Pedro eta San Martzialak nola ospatzen ziren jakin nahian, bitxikeria batzuk jaso dizkiogu kalebarrengo eta Lizarraga auzoko bikote bati. San Juanak pasatuta, San Pedro eta San Martzial zetozen, eta bietan ere ez zen ospakizunik falta gure artean. "Hiruretan be etxez etxe ibiltzen ziran txanbolintxeruak auzuan, San Juanetan Uzarran, San Pedrotan Kalebarrenen eta San Martzialetan Lizarran. Piezaren bat jo ondoren kafia hartzeraz gonbidatzen ziran etxera. Ondoren eskupekoren bat be emoten jakuen. "Atsaldian, berriz, danetan be erromeria: filarmonikia eta panderua edo jazbana eta filarmonikia edo filarmonikia bera bakarrik be bai".

Eta erromeriak gauerdirako bukatzen baziren ere, ba omen ziren orduan ere gaueko bestelako ibilerak. "Akorduan daukat San Pedro bezperako erromeria akabau, Lizarrako mutillak juntu, Larrebarrenetik goratuago arbolia bota, eta zelaiz zelai lepuan jaso ondoren zela sartzen giñuan gabian bertan San Martzialen".

Garai batean nahiko zabaldua egon zen beste ohitura bat ere bazen San Pedrotan "gabian, gaztiak lorak harrapatzen zittuen balkoi eta bentanetik, eta hemenguak hara eta hangiak hona. Hurrengo goizian hor ibiltzen giñan zoruen pare norbere lorak topau ezinda. Urte baten San Pedro goizeko mezetara juan eta elizako entradia dana tiestoz

beteta topau giñuan, balkoietatik harripau eta eskillara haura ondo asko adornauta. Meziaren ondoren bakoitzak berriak hartu eta etxera".

Lehen ere gazteak gazte, dirudie-nez. Hortaz, aurten ere garai horretan gaudenez, eutsi umoreari, ondo ondo pasa eta *Kontuz etxeko lorontziekin*

SAN PEDROAK KALEBARRENEN

Ekainaren 28an, eguakitzean izango da San Pedro eguna eta horixe da Kalebarrengo jaien atariko.

Eguakitzean bertan hasiko dira txeflero jaurtiketarekin. Hori 19:30etan izango da eta ondoren, buruhandiak eta txistularien kalejira egingo da giroa alaitzeko. Gau partean, 22:30etatik aurrera Gezalaga anai-arrebak alaitutako berbenari ekingo zaio. Baina dudarik gabe zapatua eta domeka izango dira egunik handienak. Kalebarrengo jai batzordeko

kideek bete-betea datorren egitaraua prestatu dute aurtengo San Pedrotarako. Zapatuan 10:00etan hasiko da marrazki lehiaketa eta 12:00etan, ginkana egingo da Zurrategin eta 13:00etan marrazki lehiaketako sari banaketa. 18:30etan buruhandiak aterako dira Ondarreko dultzaineroekin eta 20:00etan igoko da arbola. 22:30etan Hator taldearekin erromeria eta 24:00etan urtero bezala, sagar dantza.

Domekan, txistularien kalejirak emango dio hasiera egunari eta 11:30etan meza, salda eta txorizoa. Eguerdian, 12:30etan, dantzariak eta trikitilari gazteen kalejira eta 16:30etan mus txapelketa. Sari bikainak daudela jakin dugunez, izena ematera animatu nahi dituzte antolatzaileek antzuolar guztiak. Amaitzeko, 18:30etan, gaztetxoendako Txorontpio, Pantxi eta Pantxo pailazoen saioa.



Arbolia igoko da Kalebarrenen zapatuan.

LARREA

TABERNA

Kalebarren 17
ANTZUOLA

Ariñ

Euskal sukaldaritza

Eguneko menua

Kalebarren 7, ANTZUOLA Tf. 943 78 71 12

IGELTSEROTZA

Jose Luis Zabalo

Birgaitzeak • Fatxadak
Teilatuak • Sukalde eta bainu gelak

Kalegoi 9, 1a., ANTZUOLA. Tf. 943 76 60 89

ESKERRIK ASKO DENOI

Kaixo lagun horri: Guregan konfidantza jarri-duzuen eta boto eman diguzuen herritar guztiak eskertu eta zoriondu nahi ditugu.

Guretzat oso baliotsua da zuen boto bakoitza eta errespeto osoz zaindu eta erabiliko dugula adierazi nahi dizuegu.

Arazo guztiak dira garrantzi handikoak jasaten ari diren herritarrentzat eta horregatik, kezka, eskaera eta proposamen guztiak gogoz entzungo ditugula eta zintzo erantzuten ahaleginduko gara la azpimarratu nahi dugu.

Udaletxe barruan beste zinegotziekin batera elkarlanean aritzeko baldintza egokiak ezartzea dugu helburutzat eta, baita ere, edozein herritarri bere partaidetza ziurtatzeko bideak irekitzea.

Udal arduratsu eta eraginkor bat egin nahi dugu Antzuolarako. Horretarako, ez da nahikoa gehiengoa edukitzearekin, zure babesa eta kolaborazioa behar ditugu. Ahal duzun neurrian eta moduan emango diguzulakoan gaude. Eskerrik beroenak eta laister arte.

Antzuolako Euskal Herritarrok



Berbenan Gezalaga anai-arrebak eta Joxe Gardoki arituko dira.

HURRENGOAK, SAN MARTZIALAK

Ekainaren 30ean, San Martzial egunean, San Martzial auzoko bizilagunek jai eguna izango dute. Arratsaldeko 18:00etan txefleroak jaurtiko dituzte eta 19:00etan meza egongo da ermitan. Ondoren, ohitura legez, ardoa eta gazta banatuko da bertara gerturatzen diren guztientzat. Giroa alaitzen, berriz, herriko trikitilariak arituko dira, afaltzeko ordua iritsi arte, gaueko 21:00etan.

Zapatuan, 11:00etan plater jaurtiketa frogak egingo dira, 16:30etan jokatu da eta herri mailako plater jaurtiketa txapelketa. 21:00etan auzo afaria egingo da eta 21:00etan Gezalaga anai-arrebekin berbena. Gau erdian zaku karrera jokatu da trofeo eta guzti.

Domekan, bestalde, txistulariak arituko dira San Martzialen eta meza 11:00etan izango da ermitan.

Ondoren, salda banatuko da eta luntxa eskainiko zaie jubilatuei. Ordu erdi beranduago, 11:30etan, herriko txirrindulari igoera izango da, txirrindulari gaztetxoentzat. Sari banaketaren ostean, 12:00etan, Oinarin dantza taldeak dantza saioa eskainiko du eta 12:30etan Joxe Gardokirekin erromeriarik egingo zaio. Arratsaldean ere beste saio bat eskainiko du, 17:00etan, hain zuzen ere, eta 18:00etan herri kirolak izango dira.

Jaiei amaiera emateko, gaueko 21:00etan txeflero jaurtiketa egingo da San Martzialen. ■



Kalebarreneko zozketa mundiala domekan egingo da pailazoan saioan



MOTZIAN

PEGATINA LEHIAKETA

Idolazek pegatina lehiaketa antolatu du. Antzuolako jaietan banatzen diren pegatinetarako leloa asmatzean datza lehiaketa. Leloak euskara bultzatzeko balio izan beharko du, eta lanak udaletxean aurkeztu beharko dira ekainaren 28a baino lehen. Esaldia marrazki batekin lagunduta joan daiteke eta nahi den formatoan aurkeztu ahal izango da.

LANGABETU ZERRENDA

Udaletxean dagoen langabetu zerrenda berrizteko izen emate orriak banatu dira etxeetan. Interesatuak uztailaren 9a baino lehen aurkeztu beharko dute udaletxean.

LEKU-BERRI MERENDEROA

Janariak eta edariak

Tf. 943 76 60 94



Jose Gomez
Abad

Errekalde 6, 4-B. Antzuola
943 76 60 19
943 76 60 43

GOROSTI
Taberna

☎ 943 76 62 96
Zurrategi plaza ANTZUOLA

Carlos Baleztena Ironman proban

Nurembergeko triatloian parte hartuko du datorren domekan

Domekan, ekainak 27, Nurembergera joango da Alemaniako Ironman triatloian parte hartzera. Laugarren aldiz joango da Ironman probara. Beraz, badauki nora doan. Dena dela, antzular honek egin behar duena jakin dezazuen, berarekin berbetan izan gara.

Lehenengoa orain dela sei urte izan zen, Holandan. Orduan urtebete egin zuen entrenatzen. Izan ere, Ironmana ez da edozelako proba. Triatloia da, hau da, hiru proba ditu: 3.800 m igeri egiten, 180 km bizikletan eta 42 km-ko maratonia. "Dana segiduta" esan zigun Carlosek. "Janarria aldiaren eruatzen dozu. Bizikletan goiatzela 30 km-tik 30 km-ra dare anoak edo abitualamentuak eta korrika, berriz, 5 km-tik 5 km-ra". 1995ean Danimarkan egon zen. Bigarren Ironmana izan zen. Orduan 10 ordu eta 2 minutuko denbora egin zuen. "Aurten be hamar ordura gerturatu nahi dot, baiña Danimarkara jun nitzanian askoz be hobeto nenguan preparauta". Kanarietan izan zen bere hirugarren triatloia. Orduan arazoak izan zituen Carlosek. Maratoia amaitzeko 20 km falta zituzkiola erretiratu egin behar izan zuen hanketako minagatik. Uretatik atera eta hondartzako harea ondo garbitu ez zuelako, antxixiketaren hasi zenean

min egin zion hareak. "Holako prueba baten asko zaindu bihar die holako gauzak. Edozein tontokerixagatik dana jun leike pikutara". Hori orain dela hiru urte izan zen. Orain, ordea, ez zaio berriz horrelakorik gertatuko eta "gutxienez proba amaittu nahi dot. Hasieran Hawaiko Ironmanerako klasifikatu nahi neban, baiña eztoz uste lortuko dotenik. 3.000 bat lagun ibilliko gara eta 30 bat lagunek lortuko dabe txartela urrian Hawaira juteko. Nekeza ikusten dot nik pe hori lortzia, baiña saiatu biharko".

Carlos bost lagunekin joan da. Eibarko hiru lagun, zaurutar bat eta ondarrutar bat. "Karrera motzetatik ezagutzen dogu alkar. Aurten autokarabana bat alokatzia pentsatu dogu, astebeterako jungo gara eta. Azkenian holakuak opor batzuk bezelakuak die eta". Fisikoki oso ondo egotea eskatzen du honelako erronka batek, baina baita psikikoki ere. Sofrimendua izugarria izan daiteke, baina Carlosek atsegin du korrika egitea. 34 urte ditu eta kirola maite du. Dena dela, berak aitortu digunez, ez da bakarria triatloian, "Euskal Herrian hogeit bat lagun izango gara holako probetan ibiltzen ganak".

Txapelketa honen gastu guztiei berak egingo die aurre. Baina horrez gain egunero hiru ordutik lau ordura entrenatu behar izan du eta asteburuetan, berriz, sei orduko entrenamenduak egin di-

tu. "Eguarditan eta atsaldetan astian eta asteburutan goizian hasi eta dana segido; baiña lagunak egiten ditzuzu, astebeterako juten zara... Ezta hain txarra. Sufridu bai, baiña gustatu ezkerok!"



Carlos 1996an Kanarietako Ironmanean.

■ ■ ■
**"Ironmana, triatloia da:
 3.800 m. igeri,
 180 km. bizikletan eta
 42 km.-ko maratonia"**
 ■ ■ ■

igor eta Txomin

Pintura orokorrean.

Paper, tela, binilo, kortxo... estaldurak.

Gotelesa, iztukuak eta
bestelako imitazioak.

ANTZUOLA BERGARA

☎ 943 76 60 39 ☎ 943 76 19 98

AITZ-GARBI



taberna
jatetxea

Pintxoak eta kazuelatxoak.
Bazkariak eta afariak

Kalebarren 15. Tf. 943 78 70 51



MUEBLES
IGEA

Zurrategi plaza 4, behea ANTZUOLA Tf. eta faxa 943 78 71 80

Sukalderako eta
bainurako altzariak
Altzari rustikoetan
espezializatuak